

**Kanton Sarajevo
Skupština Kantona Sarajevo
Aljoša Čampara Klub SDA**

**Služba za skupštinske poslove
Skupštine Kantona Sarajevo
Ministarstvo za obrazovanje, nauku i mlade Kantona Sarajevo**

Predmet: Zastupnička inicijativa

Poštovani,

pokrećem Inicijativu za izmjenu Zakona o osnovnom odgoju i obrazovanju, odnosno brisanje stava 2. člana 64. ovog Zakona, kojim je uređen prijevoz učenika.

Naime, radi se o diskriminirajućoj odredbi, gdje jedni učenici imaju pravo na prevoz a drugi ne zato što su van školskog područja.

Mislim da bi ovo puno značilo za djecu koja idu u recimo OŠ „Čengić Vila“, a putuju sa Ilidže ili sa Bašćaršije, ali i za učenike drugih osnovnih škola na području kantona.

S poštovanjem

Podnosilac inicijative



Aljoša Čampara,
zastupnik u Skupštini Kantona Sarajevo

Prilog inicijativi: Prijedlog zakona o izmjeni Zakona o osnovnom odgoju
i obrazovanju Kantona Sarajevo

Sarajevo, 23. 1. 2019. godine

Na osnovu člana 151. Poslovnika Skupštine Kantona Sarajevo ("Službene novine Kantona Sarajevo" broj: 41/12 - Drugi novi prečišćeni tekst, 15/13,47/13,47/15 i 48/16) podnosim prijedlog za izmjenu Zakona o osnovnom odgoju i obrazovanju ("Službene novine Kantona Sarajevo" broj: 23/17 i 33/17) kako slijedi:

PRIJEDLOG

Na osnovu člana 13. stav (1) tačka i) i člana 18. stav (1) tačka b) Ustava Kantona Sarajevo ("Službene novine Kantona Sarajevo", br. 1/96, 2/96 - Ispravka, 3/96 - Ispravka, 16/97, 14/00, 4/01, 28/04, 6/13 i 31/17), Skupština Kantona Sarajevo, na ____ sjednici održanoj dana ____ 2019. godine, donijela je

ZAKON O IZMJENAMA ZAKONA O OSNOVNOM ODGOJU I OBRAZOVANJU

Član 1.

U članu 64. Zakona o osnovnom odgoju i obrazovanju ("Službene novine Kantona Sarajevo" broj: 23/17 i 33/17), briše se stav 2., a stavovi: 3., 4., 5. i 6. postaju stavovi: 2., 3., 4. i 5.

O B R A Z L O Ž E N J E

I. PRAVNI OSNOV

Pravni osnov za donošenje Zakona o izmjenama Zakona o osnovnom odgoju i obrazovanju ("Službene novine Kantona Sarajevo" broj: 23/17 i 33/17) sadržan je u članu 12. stav (1) tačka b) i članu 18. stav (1) tačka b) Ustava Kantona Sarajevo ("Službene novine Kantona Sarajevo", br. 1/96, 2/96 - Ispravka, 3/96 - Ispravka, 16/97, 14/00, 4/01, 28/04, 6/13 i 31/17).

II. RAZLOZI ZA DONOŠENJE

Pravne norme sadržane u članu 64. stavu 1. Zakona o osnovnom odgoju i obrazovanju (u daljem tekstu: Zakon) dale su pravo na besplatan prevoz učenicima koji stanuju na udaljenosti većoj od dva kilometra od škole koju pohađaju. Međutim, u sledećem stavu, konkretnije stavu 2. istog člana Zakona, ovo pravo je ograničeno ukoliko se učenik upiše u školu izvan školskog područje. Ova odredba je diskriminatornog karaktera¹, pogotovo u onom dijelu ukoliko

¹ Zakon o zabrani diskriminacije (Službeni glasnik Bosne i Hercegovine, broj: 59/09 i 66/16)

(Diskriminacija)

Član 2. stav 1.

1. Diskriminacijom će se, u smislu ovog zakona, smatrati svako različito postupanje uključujući svako isključivanje, ograničavanje ili davanje prednosti utemeljeno na stvarnim ili pretpostavljenim osnovama prema bilo kojem licu ili grupi lica i onima koji su s njima u rodbinskoj ili drugoj vezi na osnovu njihove rase, boje kože, jezika, vjere, etničke pripadnosti, invaliditet, starosna dob, nacionalnog ili socijalnog porijekla, veze s nacionalnom manjinom, političkog ili drugog uvjerenja, imovnog stanja, članstva u sindikatu ili drugom udruženju, obrazovanja, društvenog položaja i spola, seksualne orijentacije, rodnog identiteta, spolnih karakteristika, **kao i svaka druga okolnost koja ima za svrhu ili posljedicu da bilo kojem licu onemogući ili ugrožava priznavanje, uživanje ili ostvarivanje na ravnopravnoj osnovi, prava i sloboda u svim oblastima života.**

V. PREGLED ODREDBA KOJE SE MIJENJAJU

POSTOJEĆA ODREDBA

Član 64

(Prijevoz učenika)

- (1) Osnivač škole kao javne ustanove posebnim sporazumom u saradnji sa Ministarstvom saobraćaja Kantona Sarajevo osigurava da učenik, koji stanuje na udaljenosti većoj od dva kilometra od škole koju pohađa, ima besplatan prijevoz do te škole.
- (2) Ako se učenik škole iz stava (1) ovog člana upiše u školu izvan školskog područja, osnivač nije dužan snositi troškove prijevoza učenika, s izuzetkom učenika koji pohađaju centre.
- (3) U slučaju da učenik ima većih problema u kretanju, Ministarstvo saobraćaja Kantona Sarajevo osigurava prijevoz redovnih učenika i na manjoj udaljenosti od dva kilometra od škole koju pohađa i mjesta stanovanja učenika, i to korištenjem prijevoza kako je organiziran u školi koju pohađa i za učenike koji stanuju na udaljenosti većoj od dva kilometra.
- (4) Prijevoz učenika može se organizirati u sistemu redovnog linijskog prijevoza putnika ili vanlinijskog prijevoza putnika.
- (5) Učenici koji pohađaju centre iz člana 67. stav (1) i nemaju posebno organizovan prijevoz za učenike, osnivač, u saradnji sa Ministarstvom saobraćaja Kantona Sarajevo osigurava prijevoz i za pratioca.
- (6) Obaveze iz stavova (1), (3), (4) i (5) ovog člana, reguliraju se posebnim sporazumom između Ministarstva i Ministarstva saobraćaja Kantona Sarajevo.

IZMJENJENA ODREDBA

Član 64

(Prijevoz učenika)

- (1) Osnivač škole kao javne ustanove posebnim sporazumom u saradnji sa Ministarstvom saobraćaja Kantona Sarajevo osigurava da učenik, koji stanuje na udaljenosti većoj od dva kilometra od škole koju pohađa, ima besplatan prijevoz do te škole.
- (2) U slučaju da učenik ima većih problema u kretanju, Ministarstvo saobraćaja Kantona Sarajevo osigurava prijevoz redovnih učenika i na manjoj udaljenosti od dva kilometra od škole koju pohađa i mjesta stanovanja učenika, i to korištenjem prijevoza kako je organiziran u školi koju pohađa i za učenike koji stanuju na udaljenosti većoj od dva kilometra.
- (3) Prijevoz učenika može se organizirati u sistemu redovnog linijskog prijevoza putnika ili vanlinijskog prijevoza putnika.
- (4) Učenici koji pohađaju centre iz člana 67. stav (1) i nemaju posebno organizovan prijevoz za učenike, osnivač, u saradnji sa Ministarstvom saobraćaja Kantona Sarajevo osigurava prijevoz i za pratioca.
- (5) Obaveze iz stavova (1), (3), (4) i (5) ovog člana, reguliraju se posebnim sporazumom između Ministarstva i Ministarstva saobraćaja Kantona Sarajevo.